

VI. KAFLI

Um breyting samþykktar og hvernig samþykkt verði úr gildi felld.

23. gr.

Tillögur, sem fram kunna að koma til breytinga á samþykkt þessari, skulu sendar búnaðarfélagum til umsagnar. Þær skulu síðan, ásamt umsögn búnaðarfélaganna, lagðar fyrir aðalfund búnaðarsambandsins. Samþykki löglegur aðalfundur breytingarnar með að minnsta kosti $\frac{3}{5}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

24. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir um að tilgangi samþykktar verði ekki náð, og lögmætur aðalfundur búnaðarsambandsins samþykki það með að minnsta kosti $\frac{3}{5}$ hlutum atkvæðisbærra fundarmanna, enda komi samþykki landbúnaðarráðherra til.

25. gr.

Með brot á samþykkt þessari skal farið sem almenn lögreglumál, og geta þau varðað sektum frá 100—5000 krónum, nema þyngri hegning liggi við að lögum.

26. gr.

Samþykkt þessi gengur í gildi er hún hefur verið staðfest af landbúnaðarráðherra, en endurskoða skal samþykktina, þegar komin er út staðfest reglugerð samkvæmt lögum um jarðræktar- og húsagerðarsamþykktir í sveitum.

Húsagerðarsamþykkt þessi er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, til að öðlast þegar gildi, og birtist til eftirbreytni öllum þeim, sem hlut eiga að máli.

Landbúnaðarráðuneytið, 21. maí 1946.

Pétur Magnússon.

Árni G. Eylands.

GJALDSKRÁ

fyrir Rafveitu Ísafjarðar og Eyrarhrepps.

I. Raforka.

Rafveita Ísafjarðar og Eyrarhrepps selur raforku á orkuveitusvæði sínu í Ísafjarðarkaupstað og Eyrarhreppi á þann hátt og við því verði, sem hér segir:

A. Lýsing.

Þar, sem orkan er aðallega notuð til lýsingar, skal hún seld um kwst.-mæli á kr. 1.00 hver kwst.

B. Rafmagn til almennrar heimilisnotkunar.

Um tvöenna kwst.-mæla, annan til ljósa, en hinn til heimiliséla, suðu og hitunar.

Um ljósamælinn kr. 1.00, en um hinn mælinn kr. 0.18 hver kwst.

C. Vélar.

83

23. maí

Þar, sem orkan er seld til vélareksturs, skal hún seld:

1. Um kwst.-mæli á kr. 0.70 hver kwst. til smáiðnaðar.
2. Ef um mikla orkunotkun er að ræða, svo sem til frystihúsa, skal orkan seld á kr. 0.18 hver kwst., enda hafi rafveitan rétt til að rjúfa strauminn, þegar álag rafveitunnar er of mikið að dómi rafveitustjóra.

D. Hitun.

Þar, sem orkan er notuð til hitunar, enda sé rafmagnsupphitun aðalupphitun hússins á því tímabili, sem rafmagnsupphitun er notuð, má selja raforku með eftirfarandi skilyrðum:

- a. Öll tæki skulu vera fast tengd, og gerð hitalagna og hitatækja háð samþykki rafveitustjóra.
- b. Klukkurofar séu fyrir hitalögninni, og greiðist leiga fyrir hann, eftir reglum, sem gilda fyrir leigumæla. Má þó veita undanþágu frá þessu, ef rafveitustjóri telur þörf á.
- c. Rafveitan áskilur sér rétt til að rjúfa strauminn af hitakerfinu þegar það telst nauðsynlegt, að dómi rafveitustjóra.

Sé liðum a. og b. fullnægt, má selja raforkuna um kwst.-mæli á kr. 0.10 hver kwst.

- d. Yfir mánuðina maí, júní, júlí, ágúst og september má veita 30% afslátt, ef um næturhitun er að ræða.

E. Orkusala til fyrirtækja, sem hafa eigin vélar til orkuvinnslu.

Rafveitustjórni getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði að stöðva megi orkusöluna til þeirra, hvenær sem þarf, að dómi rafveitustjóra.

F. Hafnar- og götulýsing.

Orku til hafnar- og götulýsingar selur rafveitan um kwst.-mæli á kr. 0.40 hver kwst.

II. Mælaleiga.

Rafveitustjóri ákveður gerð og stærð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða ársleigu af mælitækjum samkvæmt eftirfarandi skrá:

Einfasa mælar upp að 5 amp.	kr. 12.00
Einfasa mælar 10—20 amp.	— 24.00
Einfasa mælar 30—50 amp.	— 36.00
Þrífasa mælar 30 amp. og minni	— 48.00
Þrífasa mælar stærri en 30 amp.	— 60.00
Lausar skiptiklukkur	— 12.00

Af öðrum mælitækjum en þeim, sem nefnd eru í töflunni, skal leigan vera sem næst 20% af mælisverðinu, og semur rafveitustjóri nánari skrá um leiguna. Leigan skal innheimt mánaðarlega með $\frac{1}{12}$ af ársleigu, og skal partur úr mánuði reiknaður sem heill mánuður.

III. Heimtaugagjöld.

Af hverri húsveitu, sem tengd er við rafveituna, skal greiða heimtaugagjald, er miðast við brunabótamat á húsum og mannvirkjum á þann hátt, sem hér segir:

83

23. maí

			Heimtaugagjald		
Brunabótamat			Jarðlína	Loftlína	
	kr.		kr.		kr.
1.	0—	5000.00	300.00	170.00	
2.	5000—	10000.00	380.00	230.00	
3.	10000—	12500.00	450.00	280.00	
4.	12500—	15000.00	510.00	330.00	
5.	15000—	17500.00	560.00	370.00	
6.	17500—	20000.00	600.00	420.00	
7.	20000—	25000.00	700.00	510.00	
8.	25000—	30000.00	780.00	600.00	
9.	30000—	40000.00	880.00	650.00	
10.	40000—	50000.00	980.00	700.00	
11.	50000—	60000.00	1060.00	750.00	
12.	60000—	70000.00	1100.00	790.00	
13.	70000—	80000.00	1140.00	830.00	
14.	80000—	90000.00	1170.00	870.00	
15.	90000—	100000.00	1200.00	900.00	
16.	100000—	125000.00	1250.00	950.00	
17.	125000—	150000.00	1300.00	1000.00	
18.	150000—	200000.00	1400.00	1050.00	
19. ... Yfir	—	200000.00	1500.00	1100.00	

Sé lengd jarðlínuheimtaugar meiri en 15 m, loftlínuheimtaugar meiri en 40 m og gildleiki hvers vírs meiri en 70 qmm, skal húseigandi kosta það, sem þar er fram-yfir. Standi sérstaklega á, eða séu óvenjulega miklir örðugleikar við lagningu heimtaugar, má krefjast sérstaks endurgjalds af húseiganda, en gera skal honum aðvart um það fyrirfram. Ef lagðar eru fleiri en ein heimtaug að húsinu, skal húseigandi greiða allan kostnað við seinni heimtaugar eftir reikningi.

Heimtaugagjald fellur í gjalddaga þegar lokið er lagningu heimtaugar.

IV. Ýmis gjöld og ákvæði.

1. Opnunargjald.

Hafi verið lokað fyrir veitu vegna vanskila á gjöldum til rafveitunnar, er óheimilt að opna fyrr en notandi hefur greitt áfallin gjöld og opnunargjald að upphæð 5 kr. á skrifstofu rafveitunnar.

2. Sektir fyrir óleyfileg vör.

Ef fundin eru óleyfileg vör við skoðun eða of stór, skal veitunni lokað tafarlaust. Er óheimilt að opna aftur, fyrr en notandi hefur greitt kr. 5.00 á skrifstofu rafveitunnar.

3. Ákvæði vegna vatnsskorts.

Ef fyrirsjáanlegt er að dómi rafveitustjóra, að örðugleikar verði á rekstri rafveitunnar sakir vatnsskorts, getur rafveitustjórn, með samþykki ráðuneytisins, gert bráðabirgðaráðstafanir, er hún telur heppilegar til að draga úr orkunotkun á veitusvæðinu meðan á vatnsskorti stendur.

4. Heimild rafveitustjórnar til breytinga á gjöldum.

Rafveitustjórn er heimilt að hækka eða lækka gjöld, sem ákveðin eru í gjaldskrá þessari, um allt að 20%, án sérstakrar staðfestingar ráðuneytisins.

Gjaldskrá þessi, sem bæjarstjórn Ísafjarðar og hreppsnefnd Eyrarhrepps hafa samið og samþykkt, staðfestist hér með samkvæmt vatnalögum, nr. 15 20. júní 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt falla úr gildi eldri gjaldskrár rafveitunnar. 83
23. maí

Atvinnu- og samgöngumálaráðuneytið, 23. maí 1946.

Emil Jónsson.

Páll Pálmason.

AUGLÝSING

84

7. maí

um breytingu á reglugerð fyrir Austur-Húnavatnssýslu, um fjallskil og fleira,
nr. 98 frá 15. júlí 1941.

Við 2. gr. 1. málsg. greinarinnar orðist svo:

Þessi eru upprekstrarfélög í Austur-Húnavatnssýslu:

1. Upprekstrarfélag Skagahrepps.
2. Upprekstrarfélag Höfðahrepps.
3. Upprekstrarfélag Vindhælis- og Engihlíðarhrepps.
4. Upprekstrarfélag Bólstaðarhlíðarhrepps.
5. Upprekstrarfélag Auðkúluheiðar.
6. Upprekstrarfélag Ás- og Sveinsstaðahrepps.

Við 26. gr. Greinin orðist svo:

Skilaréttir eru:

1. Hofsrétt.
2. Spákonufellsrétt.
3. Skrapatungurétt.
4. Mjóadalsrétt.
5. Stafnsrétt.
6. Auðkúlrétt.
7. Vatnsdalsrétt.

Aukaréttir eru:

1. Tjarnarrétt.
2. Vindhælisrétt.
3. Kirkjuskarðsrétt.
4. Beinakeldurétt.
5. Hagarétt.
6. Þóormstungurétt.

Ákvæði til bráðabirgða:

Höfðahreppi heimilast að nota Landsendarétt sem skilarétt, þar til Spákonufellsrétt er byggð.

Reglugerð þessi, sem sýslunefnd Austur-Húnavatnssýslu hefur samið og samþykkt samkvæmt 41. gr. sveitarstjórnarlaga, nr. 12 frá 31. maí 1927, staðfestist hér með til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 7. maí 1946.

F. h. r.

Vigfús Einarsson.

Árni G. Eylands.